

鈞

天

樂

序

原夫龍梭織錦。紆迴多動魄之詞。雁柱題箏。嗚咽盛傷心之調。桓野王能吹長笛。輒喚奈何。范蔚宗自鼓琵琶。猶傷零落。漣漣交集。寧無洗馬之言。愁寂寂笑人。應有中書之自歎。莫不情緣義起。聲以心生。削寫哀絲。數隕貞夫之涕。桐收焦尾。偏驚庶女之魂。漫思行樂于人間。寔欲寄愁于天上。豈徒愛城東之巧笑。浪擲茱萸。懷河北之蛾眉。興思桂樹者哉。我友悔菴。弱歲騎羊。妙年繡虎。窈窕玉釵之句。響滿楚宮。清新洞簫之章。聲馳漢邸。百花洲畔。自許清狂。五噫關前。夙推樂託。鬱輪袍彈成。

新調。恥比優伶。芙蓉錦著。就佳篇。徒資諷詠。于是平原
入洛。張壯武見而傾心。孝穆辭梁。楊丞相聞而握手。貂
蟬盈坐。胥知風調。無雙簫鼓。當筵共識才情。第一乃僅
鐫。龜左輔。剖虎北平。趙京兆之精詳。名揚銅匱。王子猷
之高寄。意略馬曹。輾轉猶然。虞羅未免。然而讀凌雲之
賦。

天子恨不同時誦。蓬山之詞宮中。都呼才子。沉香亭下
行。有捧硯之人。結綺閣邊。豈僅勞箋之侶。固知

帝念蘇軾。大是奇才。人稱方朔。不徒待詔者矣。無何
龍髯既遠。猿臂徒悲。橋山有攀泣之臣。隴西猶數奇之

將縈後宛轉寫此愁懷。簫簌淒涼譜茲別怨。兼之過山
陽而腹痛。遵灞岸以情傷。陸雲代贈婦之篇。胡香不返。
徐淑傳荅夫之東。鉛粉誰存。固將繪以丹青。垂之紈素。
嗟乎。青天碧海金丹無。煉骨之方。翠管紅牙。錦帶有銷。
愁之曲。珊瑚爲軸。體號連環。玳瑁作牀。題稱碎錦。務使
樓成白玉。共推誰。之神仙臺築黃金。不羨呈身之狎。
客。瑤闕送金蓮之。何服稱愁。銀管題葉珠之名。聊將
忘恨。因之瑯函玉笈。讀盡函藏之秘書。國腹雲和。聽徹
鈞天之仙樂。廣寒樓閣。脩月文傳。織室河梁。催妝句。擅
極萬古傷心之事。騷王生得意之歡。鮮不寫以纏綿。抒

其憤鬱。洵好還之天道。亦實獲于我心。况復翠板作室。
彷彿同心。朱鳥爲窗。依稀連理。王子晉之緱嶺。但聽遙。
吹秦弄玉之鳳樓。曾矜跨。旣紅塵之可棄。想碧落以。
非懸是也。非耶。天乎。帝矣。僕也。性偏歷落。遇復差池。唱。
離鴻別鶴之操。時時刻骨。觀蘭畹金荃之製。字字移情。
乃擗管而嘆解人。庶續貂以附絕體。固知子虛烏有之。
雄談。不徒寓言十九。亦念銅絃鐵板之餘烈。猶存諷諫。
百一云爾。

康熙乙巳花朝後五日。南蘭陵麗農山人程邨氏拜題。
于驥江之城南精舍。

自記

丁酉之秋，薄游太末。主人謝客，阻兵未得歸。逆旅無聊，追尋往事，忽忽不樂。漫填詞爲傳奇，率日一齣齣成，則以酒澆之，歌呼自若。閏月而竣，題曰鈞天樂。家有梨園，婦則授使演焉。明年利塲弊發，有無名子編爲萬金記。

命進覽，其人匿弗出也。臬司某大索江南諸伶，雜治之。適山陰姜侍御還。

朝過吳門，亟徵予劇。同人宴之申氏堂中，樂旣作，觀者如堵，牆靡不咋舌駭歎。而邏者亦雜其中，覷其事類，馳

白泉司。泉司以爲奇貨。卽傲捕優人。拷掠誣服。旣得主名。將窮其獄。且徵賄焉。會有從中解之者。而予已入都門。事得寢已。亥火計。泉司以貧。累亡命。寘極典籍其家。聞者快之。然當是時。予慳而後免。始悔戲無益也。階之爲禍。欲焚草者數矣。而吳中好事者。傳爲美談。相與釀金請觀焉。遂演如故。然登場一唱。座上貴人。未有不色變者。蓋知我者希。而罪我者已多矣。於戲。

鈞天樂目錄

上本

第一齣

立意

第二齣

歌哭

第三齣

命相

第四齣

場規

第五齣

嘆榜

第六齣

澆愁

第七齣

癡福

第八齣

姪殤

第九齣

悼亡

第十齣

禱花

第十一齣

賊難

第十二齣

哭友

第十三齣

逐客

第十四齣

伏闕

第十五齣

哭廟

第十六齣

送窮

下本

第十七齣

天試

第十八齣 天榜

第十九齣 天宴

第二十齣 瑤宮

第二十一齣 蓉城

第二十二齣 地巡

第二十三齣 水巡

第二十四齣 校書

第二十五齣 仙訪

第二十六齣 入月

第二十七齣 世巡

釣天樂 上本

吳儂 悔菴 填詞

第一齣 立意

昔人云天
地一梨園
也具此眼
界方許觀
焉

蝶戀花末上。偌大乾坤無處住。笑矣悲哉。不合時宜肚。
漫欲寄愁天上去。游仙一曲誰人顧。黃閣功名白玉。
賦無鼓收塲。總是無憑據。妄聽妄言君莫怒。長安舊例。
原如故。問答照常。

滿庭芳盜賊縱橫。文章顛倒。沈郎獨嘆孤寒。嬌妻生。
別好友。又凋殘。伏闕上書不遇。趁秋風。載月空還。傷。
心處。送窮哭廟。鬼淚也。潛潛。一朝登帝榜。釣天賜。

標題奇快

開口便似
鬼話豈非
曲謔

宴共慶彈冠更繡衣直指地下人間王母嫦娥作伐
送花燭雲裡弄鸞奇絕事世人不信且待下回看

三鼎甲五經掃地兩才子一舉登天

窮措大日邊富貴鬼姮娥月下姻緣

第二齣 歌哭

開詞 鳳凰閣 生巾服副淨扮童隨上 江山如夢千古一

壞荒籠文章何處哭秋風悶殺魯書周頌年華催送春

去也晨雞暮鐘

無可奈何天下事誰能造此人中意士龍若在敢爾

戲嗣宗那得如許淚處仲唾盡應後醉正平撻鼓還

子虛野相
如賦

看官看取

相類且學希夷千載睡漫消玄石三年醉小生沈白
表字子虛吳興人也年方弱冠體不勝衣能讀五典
三墳解賦九歌七發若論我干雲意氣直教虬龍承
蓋鸞鶴扶輪比方我如月才華何慚城郭裝書珊瑚
架筆只是生于白屋未免窮鬼揶揄因此青衿甘讓
好官笑罵嘆介咳方今王塗荆棘世路江河臥榻已
屬他人坐間尚容卿輩你看吏部門前百官資格一
品二品直至九品饒不過七青八黃三公堂上十佛
名經三甲二甲更上一甲騙不了千紅萬紫把那一
頂烏紗交付煥轡公子偏我這篇萬言策屢敗公車

三

就是八分翠黛便宜。齟齬。鄭君偏我這幅十眉圖。獨
眠孤館。向者邑令魏公存日。將女寒簪許我爲妻。聞
他才色傾城。猶自待年未嫁。這也不在話下。只有好
友楊巖卿結爲兄弟。他年紀小我一歲。雖是烏衣子
弟。却像紅粉女郎。論他國士無雙。比我玉人有兩。但
常多病多愁。恐被道旁人看殺。目今應試長安。對牀
旅邸。不免請他出來清談。彼間則个。副楊相公有請。
遊池遊。小生巾服。丑扮童隨上。風朝月弄。我輩真情種。
病書生佳人。伯仲一窗秋怨。半簾春夢。問何日看花漢。

黑卿取楊

雄賦

玄字第

小生楊云表字墨卿與沈子虛哥哥學同筆硯并若
金蘭今因上京赴試到此見介哥哥你閑坐西窗咄
嗟獨語却是爲何生兄弟我與你負此奇才生于亂
世豺狼當道戎馬生郊不能請終軍纓繫南越之頸
借朱雲劍斬佞臣之頭猶然窮年八股隨例三場豈
不羞死况且錢神有力文鬼無權彼哉既載寶而朝
吾輩恐抱壁而泣爲之奈何小生哥哥大厦將傾非
一木能支杞人憂天何益士君子得時則大行不得
時則龍蛇遇不遇命也但吾兩人胸中硯墨須以酒
澆之不如開懷痛飲少解牢愁意下如何生兄弟言

誤認人便
笑說藉出
門即哭使
兩人相遇
哭一笑
必有可觀
公悲楊
忽哭忽
哭又使人
無可奈何
也

之有理小奚看酒來副持酒上斷送一生惟有破除
萬事無過酒到飲介生唱

商調金絡索雙飛琥珀鍾一吸珍珠甕讀破離騷過斷
漁陽弄舢船自棹空王大哭介小生哥哥為何大哭起
來生我哭蒼穹十載青春負乃公貴衣不告相如夢白
眼誰憐阮客窮小生亦大哭介真樣懂區區科目困英
雄一任你小技雕蟲大筆雕龍空和淚銘文冢

生兄弟你看長安道上車如流水馬如游龍好不熱
鬧人也

前腔瓊樓十二重珠履三千眾狗尾羊頭白馬青絲籠

或疑二生
起舞不雅
不知蘇李
高致豈
老頭巾建
耶

滿朝金穴銅。生大笑介。小生。哥哥。爲何又大笑起來。生。
我笑天公顛倒兒曹。做啞聾。烏猪生。奪將軍俸。綠蟻平。
分太守封。小生亦大笑介。成虛聞。今人惟愛孔方兄。博。
得個頭腦冬烘。眼角朦朧判取青錢中。作醉介。

〔生〕竟醉矣。兄弟。我想酒後耳熱。仰天歌呼。頓足起舞。
古人之高致。我與你試舞一回。何如。小生。竿木隨身。
逢場作戲。有何不可。小奚起鼓。二童打鼓。二生舞唱。

黃鶯兒。沉醉倚東風。玉山頽。燭影紅。秦箏趙瑟。嗚嗚詠。
長歌惱公短歌。懊。儂。柘枝舞遍江南。弄壯心同。聞雞夜。
半。百尺臥元龍。

是真語者
寒語者

集唐二世

〔作舞跌副丑扶起介〕二位相公不必煩惱小人見正陽門上有個算命的叫做半仙子有個相面的叫做水鏡先生許多應試相公挨挨擠擠好不熱鬧二位相公何不也去一問便知今利高中〔小生〕小奚所言却也有理〔生〕如此便行

尾聲牢騷沈約悲楊炯〔小生〕寡文章從來沒用〔副丑〕相公你得失還當問寒翁

〔生〕但覺高歌有鬼神〔小生〕豈知書劍老風塵〔生〕此身飲罷無歸處〔小生〕還訪成都賣卜人同下

第三齣 命相

仙呂入
雙調
字字雙
淨巾服上區區閣老令公部官樣賭錢
吃酒養婆娘肥胖中庸大學兩三行沒帳荷包驚住狀
元郎停當

〔笑介〕學生非別乃當朝一品特進光祿大夫中極殿
大學士少師兼太子太師吏部尚書都察院左都御
史賈嫡嫡親親的令郎公子大爺賈斯文便是家父
今年七十單生學生一人穿的綾羅錦繡吃的鶯鴨
雞猪騎的駿馬雕鞍開的粉頭窠子可也受用不盡
了小時請下先生教我讀書我說道這本書不如送
與我老子讀罷先生問道爲何我說老子讀了書中

却是却是

古人捉對

了甲科入了翰林，做了閣老。學生的舉人進士，怕不白白送上門來。先生笑道：「學生之言是也。今年宗師把學生取做批首上京應試，主考老何是家父的門生，已叮囑他中我狀元。這也是閒事。我有至友二人，一個叫做程不識，是程朝奉的兒子，手中果有萬貫錢財；一個叫做魏無知，是魏鄉宦的公郎，口內却也十分伶俐，整日逐隊成行，尋歡作樂。今早爲何不來？」小廝門外看者，維應介淨虛下副淨巾服上。前腔祖傳木客與鹽商興當，招財利市走蘇杭，興旺偶然學舌弄文章。走樣拚將錢鈔買經房，笑介：「只要擢榜，」

小子程不識去訪賈公子遠遠望見魏無知來了聽他說什麼

丑巾服上

前腔秀才名根兒光強橫衙門鑽刺跪公堂名望之乎者也了三場轄闖打雄吃食睡他娘亂放

副拍介老魏放的是什麼丑是屁副是你的文章丑只怕你的文章屁也不值副休得取笑同到賈公子

寓所去到介賈大爺在房裡做甚勾當淨上小弟今

早得了錦中擬題要做臨場近藝正要請兩兄同做

丑又來說痴話了如今考試要什麼文章只消暗中摸索賈兄取了狀元程兄取了榜眼小弟取了探花

便是至公無私人心允服的了。副閒話休提我們那
裡去頑耍一回或是金魚池上吃燒刀或是西河沿
頭闖寡門或是報國寺裡看骨董淨都不要我聞得
前門上新到一個算命先生一個相面先生問的極
多我們也去試他說得着便罷說不着打碎他招牌
燥脾胃副丑妙妙就去就去虛下外扮算命上一生
總是命安排八字難移十字來印煞財官大註腳計
羅字煞細分腮老漢自號半仙子慣看子平兼推五
星來這前門開舖預決元魁不免掛起招牌來二生
上升沉應已定不必問君平此問已是二淨丑上這

裏來見介呀夜眠清早起又有早行人外列位請坐

願聞貴造生小生甲子小生乙丑淨學生丙寅

副學生癸亥丑學生壬戌外看批介那甲子的呵

中呂過曲駐雲飛祿馬同鄉命主朝君拱太陽相公是今科

狀元了那乙丑的呵月朗天門上身坐文昌旺相公也

是狀元淨衆亂話難道一科有兩個狀元外便是畢竟

甲子第一乙丑第二淨嚷介先看我的副丑並嚷介外

不消爭得先後一般那丙寅的天官照命主生富貴之

家只是文星不現嚟幕庫運方長恩星無恙那癸亥的

必是个富翁財帛宮高那壬戌的却像个學霸日日奔

波的驛馬常相傍三位相公不要怪老漢說且待來科

再細詳

三四甲在前一句說

不著其飽

考本不亦

宜平

麻本太發之秘

淨衆怒介哇胡說難道兩個窮酸倒中狀元我們飽
學相公倒不中外老漢依命直講何消發怒求賜命
金罷淨衆命金命金打斷你的脊筋打介二生勸外
走下淨且饒這老頭兒又有一个相面的來也木上
設帳介舉人一雙眼進士兩條眉新製公卿相鬚鬚
老面皮小子乃江湖上相面的混名水鏡先生在前
門上設帳一相三分看官交錢纔講衆上我們都是
要相的末請起尊衆起冠介末請行幾步衆行介

末都知道了。指生介。這位相公呵。

下本伏案

打馬得勝

前腔。火色珠光。燕領鵝肩。必發揚。指小生介。那位相公呵。冠玉陳丞相。好女留侯像。二位相公。不但公卿之形。且有神仙之表。二生。君言太過。吾輩豈敢望乎。末。自是君身有仙骨。世人那得知其故。淨。衆。呔。這樣胡說。末。指淨介。相公。若是別人。自然奉承。小子却不敢欺。淨。外貌也。堂堂牛羊。萬壯。淨。哇。又放屁了。末。指淨介。一箇獼猴。指丑介。一箇豺狼。狀。副丑。可惡。那算命的。憑他胡說罷。了。若論相貌。我三人比他兩個長也。長他一只重也。重他十斤。難道倒不如他。末。豈不聞曹交九尺食粟而已。

海水從來難斗量

淨衆怒介那狗弟子孩兒這樣欺負我挖他眼珠搶他帳房去打介二生勸末走下淨衆氣殺我也氣煞我也淨背語副丑介這兩個酸徠是什麼人副我認得一個叫做沈子虛一個叫做楊墨卿老楊還是舊家子弟老沈不過窮秀才而已對丑介失言了這是令妹丈丑惶恐誰認他妹丈大家去取樂一番囁二生介二位老兄恭喜穩穩高中了二生休得取笑前腔淨新貴雙雙馬上爭看白面郎副沈兄就是狀元了台號題紅狀元楊兄就是榜眼了尊諱填黃榜三生

何辭以對

自古道文章無價。况命相有何憑據。三兄何必認真。淨
衆我也這樣說。啖賣弄好文章。葫蘆依樣。若沒金錢。
休想傳臚。唱今日且休誇口。直等揭曉。自見高低。笑介
看待來。嘲笑一場。

淨衆上生兄弟。那是家相士之言。未必果准。反被他
們搶白一場。豈不可恨。小生正是蛟龍橫受魚蝦侮。
燕雀安知鴻鵠飛。哥哥你看這三人呵。

聖人復起
不易斯言

前腔傀儡登場。鬼面牛頭。酒飯囊乳臭家尊。仗銅臭家
兄傍生。我想人生有甚麼。命金銀就是命了。世上有甚
麼相酒肉就是相了。啖甲子總荒唐。衣冠皮相若看文。

章眼裡都安墮。小生哥哥。當蘇君時。儀何敢言。我與你
漫看橫行蟹甲黃。

生千里青雲未致身。應龍無水漫通神。小生今朝惆
悵紅塵裡。白眼看他世上人。同下。

第四齣 場規

蓋題星之
言如此人
孰能遽
財寶作

淨扮魁星無筆手持大錠斗內放小錠一串踢出舞
介斗大黃金印財高白玉堂十千進士第百萬狀元
郎下末大趙紗帽維粉皂隸隨上

中呂菊花新曲來將相出金銀丟去文章覽繒紳堪笑
老頭巾空做經書策論

開門見

何獨者糊

空也深意

推說這首

太史公

多少英雄

此中埋沒

可感可嘆

一副表裏

和盤托出

雖然天子重英豪。莫把文章教開曹。詩賦萬般皆下品。算來惟有賺錢高。下官何圖衣號渾。齋偶然中甲。原不識丁。揆入小翰林之班。鑽得大座師之缺。看來三年大比。真是千載奇逢。七篇斬湊。將來一生喫着。不盡若非三場得手。隨你公孫弘。董仲舒。賢良方正。只算異路功名。不是兩榜出身。憑他李太白。杜子美。博學宏詞。難做同年。文字似今日制科。只有兩件。則買一張陞官圖。某九卿某六部公子。公孫高薦。亟薦辟如世襲前程。一則開一座雜貨店。幾萬貫幾千金。柴行米行。批取批中。纔是公平交易。可笑那班假

名士鑽求字眼。剛騙得一句謎。究竟撞金鐘不着去。
撞木鐘。最怕幾個狠司官。磨勘卷宗。也嚇得數千金。
分明捉活虎不成。來捉死虎。這是科場大意。想介哦。
也要關節。小心。今年第一是賈老師的世兄。分付要
中狀元。這是該的。其二有程徽州家。送我珠子五十
顆。其三有个姓魏的。送我金子五百兩。這又是奶奶。
教下要打冠子。切記。遺不得的。其餘也記不起許多。
帳簿明白。有詩爲証。想介咳。只是這夥窮秀才。跣足
蓬頭。面黃肌瘦。吃三日三夜的苦。只好伴好人過世。
也難爲他了。想介這是氣運使然。與老何不相干涉。

普天下試
官小像

但我良心雖昧、活眼尚存、看卷時節、怎好把好的塗抹醜的圈點、想介我有一個道理、把一個假臉子戴起來、變了面皮、何所不爲、帶鬼臉介、皂老爺爲何變了臉、末、你們在這裡也看得、都與我戴起假臉來、皂各戴鬼臉同舞唱

中呂
過曲
麻婆子
魁星魁星花碌碌
是俺主司的化身
小鬼
小鬼黑出出
是你巡場的替身
喜時節
深圈密點
臭時文
惱時節
橫叉倒豎
古詩韻一卷一卷
胡廝混攪
做麵糊盆

開門介
生待詔陳三策
小生設科試五經
尋破題藏

果當作股

大座師評
類如此矣

一字副淨丑結果費千金末點名介諸生上前聽我
分付今科功令此前不同不要書三篇經四篇只做
一首詩命題容易不用易一房詩二房只我一個人
當面發落衆領命末生員聽題沈白學而第一楊云
爲政第一魏無知八僧第三程不謙里仁第四賈斯
文公治長第五各歸號房內掌號催交卷介生上生
員詩就十載青燈萬卷書千秋彤管五雲車憑君馬
上封侯貴管領風騷盡不如小生上生員詩就學古
優游可入官三年報政不爲難鳴琴堂上渾餘事欲
與君王策治安末沈生詩亦奇而未免佶屈爲奇楊

不通者壞
通也絕妙
者截而也

詩人著眼

生詩亦古而未免餽何為古今日正文體之時恐難

入殼生豈不知為人性僻耽佳句語不驚人死不休

小生這便是平時狂說古戰場過眼空迷日五色

下皇兩個秀才竟自去了末他欺我不識文字由他

去罷丑上生員詩就季孫家裡鼓冬冬四個西來四

個東開場舞了齊天樂煞尾唱隻滿江紅末笑介這

生詩似月明之下魚跳一聲丑怎麼說末不通丑生

員詩似匠人鋸土地祠末怎麼說丑絕妙末閒說待

我細看副上他們詩是七才子體生員詩是竟陵派

善用虛字末念來副一里行來又一里仁厚之人斯

爲美德不孤哉必有隣所以孟母常三遷末失韵了
副如今中式只要時運誰要詩韻末常言道雖不成
詩叶韵而已我與你改一改念前三句所以孟母常
三徙副大宗師果是一字師點金成鐵末點鐵成金
指淨這生爲何不交卷淨上生員後來居上末念來
淨公冶長公冶長南山底下一隻羊你喫肉我喫腸
出得監門做新郎末爲何句法長短不齊淨生員詩
是古風末南山底下一隻羊是何出淨這是易說末
笑背介這就是賈公子了不免奉承他幾句何淨作
圈點勢介此卷博古切題可以冠場淨不敢欺生員

苦思力索血也吐下幾口。末出去明日看榜。眾評
下末看卷介。這前兩卷果然奇才。後三卷都是胡說。
只是相形之下。不便妍媸並列。想介畢竟公道可欺。
私情難却。這番名次。却是公冶長第一。仁第二。八
偷第三。學而爲政。借重作落卷。罷作填榜介。

撲燈蛾圖的都是金點。的都是銀勾。抹窮書本。文章總
十分。怎得試官心肯也。天開財運有福的牛馬兒。孫亂
批評篇篇幫襯。皇隸你與我對外邊秀才說。下場頭早
收拾子曰與詩云。

你看白首儒生遭按劄。朱門公子報彈冠。皂正是不

願文章中天下只願文章中試官下

第五齣 嘆榜

黃鐘、引子、點絳脣、老旦、上、鸞鏡春殘、空梁乳燕渾無主、重重
扇、戎門掩梨花雨、

生男勿喜歡、生女勿悲酸、老至容顏改、婦居門戶難、
老身趙氏、先夫魏葉、曾爲縣令、遺下貲財、儘可度日、
止生一男一女、男喚做魏無知、生性頑劣、遊蕩無常、
前日又竊去余銀、鑽營科第、老身也管他不得、女兒
寒簪、年方三五、他天姿國色、趙燕雀鶯鶯、思清才、班
風謝雪、小時許下沈郎、他既家貧、未聘我女、又年幼

難婚遲悞姻緣好生放心不下如今沈郎也上長安
應試未知功名若何且喚女兒出來問話則箇待兒
請小姐上堂旦同貼旦上
換頭旦午夢驚回日影紗窗暮閑行去畫欄凭處搓手
團風絮

見介母親萬福老旦孩兒你哥哥與沈郎入京赴試
倘得佳音可慰老景今揭曉已近教我眼兒盼穿也
旦母親且自寬懷

黃鐘過曲回眉序老旦黃鵠久成孤門雀堪羅屏雀舞內鵲
噪介聽巡簷乾鵲似報家書旦且休提花燭雙圖但盼

上泥金一幅。合則願漢廷竝奏長楊賦。再咏催妝詩句。

雜扮報子上報報報。你家相公高中了。老旦忙問介。是那個。雜出報單介。捷報貴府老爺魏諱無知廷試第一甲第三名探花及第。京報人高科黃甲。老旦可。是真的。雜有題名錄在此。請看。老旦上面可有沈白相公麼。雜沒有沒有。快寫喜票。老旦孩兒。你把題名錄收下。我去打發報人。急同貼雜下。旦作呆立介。哎。喲。天那哥哥。哥哥倒中探花。沈郎偏則下第。怎生了也。

前腔喜氣漫充問。何意兒郎悲鍛羽。我寒簪今日呵似。文君薄命代。弔相如子虛賦。冷落當鑪封禪書。淒涼題。

讀恨幽怨

提說不出

只以急生

丁也四字

下而丁急生

二字

柱羞君妾面愁眉聚腸斷少年羈旅

一看榜介待我看來第一名賈斯文咳賈斯文作狀元
斯文掃地矣第二名程不識果然不識第三名魏無
知真个無知餘人碌碌都無名士

前腔羞殺進賢書沒字碑文錢帳簿笑斗量車載目眩
心糊上官俸飽死休儒下里曲驕人儉父擲介呖這樣
題名錄看他甚麼藥珠宮榜真填錯不直一分塵土

嘆介咳古來才子數奇佳人薄命同病相憐世間多
少女郎七香車五花帶享受榮華偏我寒窗寂寞深
閨香消粉褪也似下第秀才一般好傷感人也

從來做大
人的比官
人更加性
急如寒簣
十五女郎
一問兒大

下第無恨
感慨至以
死繼之何
熱中之甚
也

沈郎功名
之味
半駭絕不
想游仙一
着美質歷
慨之餘便
思出世其
風根固朕

要做仙人
又要做夫

皂羅袍漫倚盈盈十五嘆蛾眉未寫蟬髻虛梳玉臺不
選燕鶯書金針誰買鶯書譜笙歌曲部鞦韆面圖繡牀
鸚鵡香山鸚鵡這風流都付與青樓婦

淚介我想人生世上如輕塵棲弱草耳奴家當此芳
年青春成度一旦深深葬玉鬱鬱埋香絕代紅顏總
成黃土不如游仙學道與雙成紫玉同住蓬萊妾之
願也但塵緣未盡烟駕難逢爲之奈何

玉山供芙蓉脂肉指纔彈秋風落梧步虛聲遙想飛瓊
降真壇欲覓麻姑瑤池王母應憐我青春虛度就是仙
人豈盡瞞夫怨女也有大妻偕老的最美劉綱婦弄玉

妻小孩兒
胡思亂想
因應尔尔

大彩鸞雙駕戲蓬壺

作悶倒介呀怎麼這一會精神困倦身子不快起來
川撥掉愁何許怯生生香一縷空想着飛燕留仙空想
着飛燕留仙怕做了離魂倩女淚闌珊滴綠珠病支離
減翠襦

伏几介貼上小姐夫人請你晚膳為何睡倒在此
我那裡喫得下貼小姐還宜努力加餐

尾聲旦你教我加餐怎舉杯和箸算只有夢魂堪賁侍
兒你扶我去睡罷則待夜趁天風小鉤車

倚遍欄杆弔落花春衫血淚點輕紗貼紅顏勝人多

妻小孩兒
胡思亂想
因應尔尔

薄命莫怨東風當自嗟下

第六齣 澆愁

血淚淋漓
十倍卽山
雙調

仙呂入夜行船序生上如許頭顱笑英雄一領青衫難

卸空辜負五夜燈雞三年螢雪小生上吳市吹簫齊門

鼓瑟荆山泣血合休嗟自古道不才明主棄上書北闕

生一生不得文章力欲上青天未有因小生啼得血

流無着處朱衣騎馬是何人生兄弟我與你明珠暗

投良玉被刖窮途逆旅觸目無聊正是氣味如中酒

情懷似別人怎生是好小生哥哥我兩人雖遭白眼

尚在青年桑榆可收何必楚囚對泣且去新豐市上

觀渠觀
其往勝
子虛一
然竟天折

沽。十。千。錢。呼。盧。浮。白。一。掃。愁。腸。何。如。
〔生〕正合我意。行。到。介。酒。家。有。麼。
〔雜上〕三。杯。打。盹。賺。一。醉。笑。冬。烘。知。公。
請。上。樓。去。二。生。上。樓。飲。介。

黑。麻。序。〔生〕怒。髮。衝。冠。把。酒。壺。吸。盡。睡。壺。敲。缺。冷。乾。坤。何。
處。灑。一。腔。熱。血。〔小生〕看。者。金。華。殿。上。靴。曲。江。花。外。車。壯。
心。賒。爲。問。塗。窮。日。暮。吾。道。非。耶。〔作醉介〕

前。腔。〔生〕醉。也。拍。手。狂。歌。勸。一。杯。更。進。陽。關。三。疊。怪。嫦。娥。
相。負。酒。酣。喝。月。〔小生〕差。送。芙。蓉。鏡。暗。遮。櫻。桃。宴。狹。斜。混。
龍。蛇。叵。耐。天。乎。懜。懜。鬼。也。掄。挪。

〔雜相公〕你。看。新。狀。元。遊。街。來。也。〔淨〕副。丑。冠。帶。簪。花。騎。

馬勃事鼓吹上

吳國次詞

云長安杏

花紅處看

他人上馬

顏色紅潤

不堪正是

通人眼

能與好語

元人諫席

紅繡鞋。杏花十里紅塵。紅塵狀元歸去。飛奔飛奔。騎大

馬出前門。柏樹下。換儒巾。瓊林宴別。餽飽走下。

〔生〕兄弟。你看他意氣洋洋。甚是自得。吾等寂寂。反令

俗子笑人。〔小生〕正是。劉蕡下第。此輩登科。若吾兩人

列名榜下。未免韓非同傳。樊噲為伍。倒不如不中。為

高生笑介。天是大是。可浮一大白。〔飲介。令唱。〕

錦衣香。他那裡。跨雕鞍。游金埒。煇新科。誇聯捷。只愁水

漫了。南宮太燒了。上苑震雷打碎了。慈恩塔。杏花兒零

落。燕子兒。咬嚙。爛泥中。紗帽。糞堆邊。角帶。皮靴。乞相郎

此段出入

意表第曰

全無

君劣消停走者。俺阿婆曾也東塗西抹。雜抬轎花燈執事鼓吹上。

紅繡鞋彩樓簫鼓迎親迎親。華堂花燭成婚成婚。儂相喝伴娘跟撒帳子。揭方巾上林去。欲云云走下。

生酒家這又是甚麼。雜相公你不知賈相國老爺公

杜尚書名

撰

子新中狀元娶杜尚書小姐奉旨榜下成親哩。生咳。

金榜題名洞房花燭都讓此輩受用。真屈殺人也。兄

弟你少年伉儷燕妮同心尚堪把酒相慰。似我書劍

飄零琴匣冷落形單影隻。何以爲歡。小生哥哥我聞

得嫂嫂秀麗無雙才子佳人齊眉有日。彼痴兒缺女。

正如烏合鴉羣何足羨乎。〔生〕說得痛快再淨一大白

〔飲介合唱〕

漿水令他那裡勸悠悠簫兒吹徹响冬冬鼓兒未絕開
蘇蘇爆兒放者假惺惺新婦兒嗚咽汚邪了錦帳辱抹
了香車同心帶且漫結氣氤氳司錯送了姻緣牒生立介
秦樓下秦樓下鴛鴦待闕巫山上巫山上雲雨猶賒
尾聲小生傷心棄置如刀割〔生〕盼斷流紅無一葉兄弟
你看春光明媚花鳥爭妍失意之人豈能鬱鬱久居此
乎武陵三月怕溪上桃花相笑也

〔生〕年去年來來去恁爲他人作嫁衣裳小生仰天大

笑出門去，獨對東風舞一場。同下

第七齣 癡福

中呂 行香子 前外吉服雜扮長班隨上 伴食中堂變理
炎涼乘權衡賄賂平章

賈者假也

和門傳受
心法

半間堂上舊家風，萬歲樓前构相公，金紫銀青收拾
盡，玉鞭新繫狀元紅。老夫賈公，別號濟愚，官居一品，
年躋七旬，富貴壽考至矣。久欲優游林下，但我
平日作威作福，一朝去位，恐有後言，直待兒輩登朝，
然後表乞骸骨，窮奢極欲，以樂餘年，向因孩兒賈斯
文學問荒落，難以觀場。今科將門生何渾齋點作主，

考、嗎、他、首、卷、進、呈、俸、叨、及、第、雖、難、說、薦、賢、爲、國、也、算、
做、進、士、傳、家、前、已、聘、下、大、冢、宰、杜、年、兄、之、女、今、奉、聖、
旨、完、娶、錦、衣、花、燭、喜、溢、門、闌、早、晚、想、則、到、也、長、班、喚、
儼、相、伺、候、〔雜應介〕淨、簪、花、騎、馬、上、

行、香、子、後、一、鞭、去、也、下、馬、登、牀、你、看、我、錦、兒、紅、花、兒、簇、
帽、兒、光、

〔見拜介〕孩、兒、薛、中、狀、元、皆、仗、父、親、之、力、〔外笑介〕這、不、
消、說、了、今、日、黃、道、吉、日、就、此、成、婚、〔雜扮儼相照常喝、
禮、老、旦、扮、新、人、抬、轎、上、交、拜、介、〔雜稟老爺、花、燭、酒、筵、
〔外上、坐、淨、老、兩、傍、飲、衆、唱、

集曲牌亦
見我槍

正宮
過曲三字令酒雙勸宮花賞妝臺傍彩旗兒正飄蕩紅
衫兒又搖漾恁麻郎急麻郎醜奴兒恰相向謁金門謁
金門太師引席上剔銀燈剔銀燈少年遊牀上合笙簧
合笙簧排歌五供養醉扶歸錦衣香打毬場打毬場滾
遍銷金帳

副淨丑吉服上天邊纔走馬日下又乘龍長班通報
雜報介稟老爺程爺魏爺到外請新人進房孩兒陪
客衆下淨迎見介副丑老年兄恭喜賀喜副小弟無
以爲賀謹具金花二樹彩緞二端奉申賀敬丑小弟
不敢具套禮奉上胭脂一百片白粉一百匣副還是

魏年兄奏趣淨多謝多謝怎麼要許多丑還怕年嫂嫌少淨休得取笑

一撮掉副年兄呵把鈎兒上輕輕解珠璫丑年嫂呵把燈兒背低低喚玉郎副丑薰蘭麝新添桂枝香淨謝你調脂粉半面助嬌妝副丑看今夜衾兒裡翻紅浪淨軋軋搖櫓上牙牀

淨二位年兄幾時婢姻副小弟痴長二十一歲尚未娶妻淨原來程年兄未娶年嫂小弟聞得魏年兄有一令妹才色超羣兩家倘肯結繭小弟情願執斧副聞得已許沈家了丑這是先父在日許下的原未納

聘。况今沈子虛貧窮落魄。此事斷斷不諧。程年兄若
不見棄。舍下只有小弟作主。明日寫家書回去。竟來
迎娶便了。副如此多謝尊舅。淨請兩年兄吉筵少敘。
副凡二弟告辭。讓年兄早進新房罷。賈年兄你獨占
洞房花燭夜。淨兩年兄你同登金榜掛名時。副丑老
賈你夫妻久旱逢甘雨。淨老程老魏你郎舅他鄉遇
故知分下。

第八齣 嫁殤

杜鰲娘處
子耳寒貧
則字人矣
故訣別情

南呂過曲
懶画眉貼扶病旦伏卓上貼唱
爲甚的懨懨鬼病
困嬋娟半捲珠簾
最藥烟可憐他空房小膽怯春眠旦

驚悸不
同於他
可憐人
以場記
致雅人
致

聖賢妙語

介侍兒可扶我起來我一病幾日了貼小姐病已三
日了旦不道夢魂夜逐飛花片一枕春愁似小年

如夢令愁上雙眉長闌淚濕單衣欲皺玉骨已銷寬
不信春風依舊知否知否簾外落紅新瘦奴家自看
榜之後一病迷離寢食全捐形神如失昨日哥哥寄
書回來將我改嫁程家咳可笑你任中科名全無廉
恥不要說奴家已字沈郎即使待年擇配寧從白面
書生豈事黃金力士因此抱恨症候轉加侍兒我看
看不濟事了貼小姐且自耐煩

前腔旦梨花小命不多年怎當得風雨摧殘寒食天淚

老夫人亦
作傷春語

珠落枕冷紅綿內作鶯聲貼小姐你聽楊柳枝上黃鶯
兒恰恰啼哩旦你道春風鼓吹流鶯轉我聽是夜月催
歸哭杜鵑睡介老旦上

前腔掌珠徑寸許多憐常看新粧慰老年無端春困損
花鈿你看紗窓如夢春風懶幾日菱花照獨眠

我兒病體若何旦不言介貼小姐的病一來爲看春
榜二來爲見家書兩日一發沉重了老旦我兒休得
認錯你哥哥雖則寫書回來我是不聽他的聞得沈
郎已歸我先揀定今月十五日接到我家就婚與你
冲喜我兒你保全身子爲重切莫傷懨

脂返生香

故事

千古傷心

諸

前腔玉簫舊結好姻緣。著意紅絲帶月牽。我見你湘奩
簡點畫眉箋。少不得人逢喜事精神健。侍兒你好生伏
侍小姐。我待去收拾房櫳鋪綺筵。下

貼小姐早則喜也。旦今日何日。貼初十日子。旦如此
甚速。如何來得及。

香羅帶紅顏悞少年。飄零可憐。江梅海棠空結緣。錦衾
角枕在誰邊也。怕赶不上寶馬絲鞭。桃花怎喚人面還。
今日裡腸斷深閨也。不信惟看膝上絃。

侍兒我久不梳妝。你把鏡兒來照看我容貌若何。貼
曉得取鏡上旦照介。可原來十分憔悴了。悲介。可憐

寫其已成
套數故以
關雎為商

我魏寒簧玉腕珠顏行就塵土彩雲易散一至北平
浣溪紗這步步蓮飛飛燕都付與衰草寒烟他年誰立
紅綃傳此日空留紫玉篇待我画一幅真容起來舉筆
又住介貼小如為何又不画了旦咳紅粉已灰丹青何
益便做道崔徽卷問誰向畫圖中喚真真活現出白日
黃泉

奴家與沈郎雖未成婚夫妻已定不要說燕爾佳期
就是永訣一面也不能勾這樣緣慳分淺

東顧令琴風隻鏡鸞單似這樣影子夫妻也枉然西風
活把連枝剪結復解同心串沈郎我與你今生已過也

此一念
此生天

重結後生緣則願寒簫呵莫生西土莫生天化作並頭

蓮

侍兒奴歎之後沈郎必來弔莫你把我遺香剩粉斷
墨殘書一一交付與他教他覩物思人必生感念貼
小姐我都知道

劉潑帽上楊妃羅襪班姬扇好交付玉鏡臺前孤鴻應
向沙洲啼剪紙招魂這簇蝶裙猶搭

哎喲我倒忘了昨夜夢見青鳥一隻飛向窗前似有
相招之意莫非十洲三島寒簫向有風絲果然如此
又何戀戀人間世侍兒取花箋來待我題詩一首

留爲絕筆。貼花箋在此。旦題介。身非巫女。學行雲常對三星。簇絳裙。清吹聲中。輕脫去。瑤天笙鶴兩行分。

擲筆欠伸介

前腔。蘭姨瓊姊。金釵伴。御罷鳳羽。化登仙。碧天無際飛紅線。侍兒我睡去時。切莫喚我。貼都是爲何。旦我此去呵。遙指三山。看黃鶴遊非遠。

睡介貼小姐爲何一時暈倒了。叫介小姐小姐。怎麼再喚不醒。待我扶上牀去。

哭相思。看他夢中不住的香魂顫。夜雨燈殘。人黯然。我

極上隱
有哭聲

上

第九齣 悼亡

正宮 引子 破齊陣 生孝服副淨挑祭禮隨上 咄咄一寒至此

綿綿長恨如何纔哭途窮又悲絃斷淚眼幾曾晴麼誰取紅花和白雪空對青山憶翠螺一聲啼也囉

玉簫哀絕最離情一宿東風蕙草生人面低今何處去北邙山上列墳塋小生下第歸來鬱鬱不樂正喜魏家岳母遣大迎我成婚方圖一夕于飛百年偕老可慰天涯淪落誰料先期三日小姪一病而亡婚帖剛來計音隨至斷腸哀怨觸目淒涼嘆亦咳我想佳人才子自古有之不要說朱門錦瑟繡戶香車即使

老婦人
不
能
言

藜杖蒿簪。釵荆裙布。白頭偕隱。亦遂生平。便是奉倩
傷神。潘郎哀逝。也是中年離別。偏我沈子。虛悼亡之
慘。恰在催妝之日。難道三生石上。一笑無緣麼。今日
脩下一杯清酒。到他靈柩之前。痛哭一番。以盡夫婦
之情。來此已是小奚通報。副門上有人麼。貼上鴛鴦
綢帶。拋何處。孔雀羅衫。付阿誰。呀。原來沈相公到此。
我小姐爲你一病而亡。臨去之際。賜斷十迴。分付將
平時詩稿。并粧奩香粉。臥閣琴書。教妾送上。郎君以
爲遺念。我老夫人感傷太過。病在床褥。不能出見。待
妾引相公到柩前去。便了。行到介場上。設幃位。貼哭

六秋倚柱
言無妙手
而也

介我那小姐呵沈相公來了生哭介我那寒簀的妻
呵副相公行初奠禮生妻呵請飲這一杯酒貼小姐
上酒生妻呵我與你不能勾夫妻每共卓而食却將
這祭品來奠你好不痛殺人也

中呂過曲泣顏回明月弔湘娥。熱心香淚照金荷。玉人何處
不念我一身飄泊。佳期如夢似闌干。斗柄隨風墮。訂溫
休金犢難活。贈香囊死轉誰歌。

副相公行亞奠禮生奠介妻呵請再飲一杯貼小姐
再上酒相公當初小姐爲看題名錄見相公下第憂
鬱成疾後來我家老爺寫書回來欲將小姐改嫁程

悼亡之賦
從來無此
哀艷

家因此煩惱，越加沉重了。生原來小姐之病，爲小生而起，這都是我功名蹭蹬，負了小姐也。

前腔換頭，只爲黃金無力買登科。憐才閨閣，蹙損雙蛾。琵琶怎抱行不得也。哥哥鴛鴦打奪撲團圓，好鏡平分。破短年華，簫鼓西施，惡姻緣琴瑟南柯。

副相公行終奠禮。生奠介。妻呵，請終之。詩貼小姐三上酒持葢上。相公這就是小姐遺稿，請自開看。生看介。你看清文滿篋，新製連篇，正是團香寫就夫人字，鏤雪裝成幼婦詞，薄福書生如何消受得起。

長拍。彤管新題，彤管新題。烏絲細寫，大都短嘆長歌。若

沉生雖未
成婚已拾
得一剛經
妙法矣

待與小生分題聯句。也不寂寞。西窗刻燭。拂蠻牋正好
吟哦。今日裡空織錦文梭。便香奩填就。夜臺誰和。雖然
如此。尚幸留此篇章。供人寶玩。小生當終身誦之。似洞
口桃花。流幾朵重包裹。一封羅。這幾件東西。小姐手澤
猶存。牙尺剪刀。雖輕可總遺簪墮。珥着意摩挲。

〔貼〕小姐有絕筆一首。與郎君觀之。生念介呀。讀小姐
此詩。飄飄然有凌雲之氣。仙去無疑。小生下界凡夫。
安能與真妃作配乎。

短拍彩鳳高飛。彩鳳高飛。倒做了靈蟬解脫。似宓妃羅
襪。凌波環珮。月中過。剛拾得九天咳唾。問何日飛瓊入。

座俺待駕星槎直闖到明河

副祭奠已畢請相公回去罷生拜別介我那妻同
尾聲靈牀一慟天涯各返魂香難贖如娥侍兒仁恩我
多多拜上老夫人早築起半塚鴛鴦還待我

貼下生弔塲咳我沈子虛功名不就家室成虛宇宙
茫茫容身何所只有累卿兄弟約我同坐攻書不免
到他家去良朋聚首可解愁懷掩淚介我那寒簫妻
呵一別音容兩渺茫九原何處不心傷歸家不敢高
聲哭只恐猿聞也斷腸下

第十齣 禱花

此詞爲開
房位隱之
引子

雙調引子搗練子小旦上秋色遠曉窗明淺立金屏試玉箏

小生上彩筆題殘無處贈妝臺畫出小眉青

阮郎歸金鳧寶篆試新涼薄施秋水妝小旦西風吹

影下斜陽無端加晚裳小生呼小玉向紗窗膽瓶供

海棠小旦擦來微笑擲檀郎教他重斷腸小生小生

楊云荆妻齊氏小字素純芳姿如画秀色可餐兼且

放誕風流聰明冰雪人生得此足老是鄉矣只是小

生落拓多愁清羸善病春風失意白日傷心娘子却

遲了你三年封諧如之奈何小旦相公才華無匹榮

貴有時况且少年珍偶正如翠鳥文鶯視人世浮名

酒之時酒
之鬼酒之

猶塵土耳。妾已沾得斗酒爲君撥悶。幸勿介懷。小生
如卿言亦復佳。司馬相如脫鵲鷦鷯裘。沽酒爲文君撥
悶。卿乃女中相如也。但我素不勝杯勺。且愁病之餘
不能痛飲。以酬雅意。怎生是好？**小旦**妾手斟相勸。相
公幸勿推辭。酌酒送小生介。

仙呂入 忒忒令我剪吳鹽。新開綠橙。汲惠水。細烹青茗。
雙調 薔薇香滿穗。雲生金鼎。似這般年寒時。小別庭相知。伴
怎拋人獨醒。

小生娘子言之甚善。我當盡醉。借花獻佛。奉答一杯。
通小旦酒介

現 美人圖話

個人無類

戲舉和

公訴云半

此下酒物

助韻尹令

五品全甫

整亦可

細語生香

品令。觀着你雙臉。斷紅吹鬢。春風影一鈎。藕覆。澹澹踏花行。微擎翠袖。寫一闌羅敷。令凭肩私語。早醫可消渴。病拚个爛醉。如泥。借你檀口香腮。暫解醒。

作醉介。娘子我醉欲眠矣。小旦相公庭中秋海棠盛

開。此花中神仙也。妾手折一枝。再奉一杯。送酒介。

尹令。我把酒兒一杯。相敬。折花與小生介。再把花兒一

枝。相贈。近小生介。還把肩兒一行相並。小生此花可以

助嬌。挿卿鬢側。挿介。小旦此花可以銷恨。佩卿帶間。佩

介。親卿愛卿。我不卿卿。若个卿。

小生嘆介。小旦相公。我看你強爲歡笑。實是憂愁。把

句句作描
戲之鐵

酒沉吟對花長嘆。莫非賤妾不能善事君子。小生非也。我與卿少年夫婦相愛相憐。一日也自難消百年。尚爲未足。只是多愁多病。有憂生之嘆。此子恐不永年。使君何以度日。未免思之惘惘耳。小旦相公我與你年華正少。歡樂方長。何忽出此不祥之語。小生娘子。你那裡知道。

豆葉黃。嘆悲秋。宋玉說甚聰明。傾江中哭殺騷經。須洛下凋殘愁鬢。巫山荒磴。河陽廢城。這就是我輩斷腸行徑。是我輩斷腸行徑。我與你桃李穠華。怕做了蒲柳先零。

纏綿情
如不勝情
可以同死
矣
由此一念
亦生天上
爲夫婦

小旦相公休得如此

月上海棠割臂盟封侯尚悔空闌另正玉樓雙舞珠樹
重行便道四愁詩一往深情怎做十離曲三生薄命淚
介妾與相公生則同衾死則同穴相公倘有不測妾豈
能獨生乎若有絲兒病這一縷魂靈敢向夜臺先等

投小生懷泣介小生小生偶爾過言娘子休得悲慮
對此名花酌以杯酒但願楊墨卿與齊素純生生世
世得爲夫婦吾志畢矣澆酒介小旦相公此誓妾願
同之

江兒水小生熱搵珍珠性低呼小玉名你香魂一縷香

勢如破竹順流而下直到江南你看官軍紛紛進剿
州縣處處投降可笑滿朝文武那個比得做賊的英
雄洒落也衆兄弟們就此起兵前去但到之處貪官
污吏一齊斫下不許妄殺良民只搶金銀婦女大家
受用便了衆應介

北雙調清江引天生一馬踏天下要把江山打文官盡
獻賊武將爭迎駕俺學个四海雲游只當耍

么篇衆搖旗擂鼓威風大嚇得官兵怕太王去殺人小
卒來搶馬要擄个嬌嬌娉娉娉孌做老鼠打

序傳下將令軍中缺少參謀若遇白衣秀士不許傷

雜劇
第一折

害拿來見我考試擢用
〔衆得令〕
〔喊下〕
小生小帽小旦

兜帕布衣攜手走上

黃鐘
過曲
雙聲子
小生軍聲震軍聲震走得我頭兒暈小旦

程路緊程路緊走得我鞋兒褪合
逃入陣逃入陣權廝

混權廝混扮青衣羅帕荒村投邊走下
生中服走上

滴漏子存不得存不得空城已燼行不得行不得賊兵

又近那堪孤身勞頓問內介借問一聲賊營在那裡內

喊介那邊來了生逢人問一聲何方安穩內喊介喊殺

連天逃避無門

賊冲上拿小介好一个秀士見大玉去淨上秀才你

何方人氏姓甚名誰敢在我軍前胡行亂走生我乃
吳興沈白淨背介我聞得吳興有個沈白是第一名
士轉介原來是沈子虛先生請升上坐坐介淨先生
當今朝廷失政海內騷然三年科舉不是公卿子弟
就是這班不識字秀才金銀買來的先生空抱奇才
終無發跡之日不如隨我做個參謀替天行道伐暴
安民豈不爲大丈夫乎生將軍差矣我沈白雖一介
書生也是本朝臣子豈肯作賊依我所見將軍不如
解甲投戈歸順朝廷還可建功立業一旦天亡悔之
晚矣淨怒介你不聞駱賓王曾道敬業皮日休也服

若無此氣
節沈白書
款子耳

黃巢你看本朝公卿大臣投降北軍中者不計其數
何物書生敢行抗拒你若依順何能不然看劍衆喝
生立介馬賊你逆天造反陷害良民天下之人皆欲
食汝之肉我沈白頭可斷豈肯降乎淨這厮可惡軍
士與我綁下砍這驢頭綁介

歸朝歡衆秀才的秀才的敢犯大軍硬頭頸不知尺寸
忒投順忒投順免教喪身生我沈白讀書守節今日罵
賊而亦不負生平矣便書生豈怕黃巾白刃我神龍偶
值喪門運你釜魚空擺游魂陣淨背介看此人崛起不
屈殺之反成其名人心不服我有个道理轉介沈生我

假名士騙
得官騙不
得賊

天下多第
一流人

問得你素善詩文、只怕是假名士、你若隨口做得一詩、
贈我、便饒你去。生自古黃巾無白頭、孤鳴鳥合幾時休、
如君不過竊釣輩、竊國當朝第一流。淨好詩好詩、說得
痛快、軍士鬆了剪、放他去罷。衆放介。生我如今撒手高
飛出鬼門下。

淨衆兄弟們、此間已是空城、久留無益、再掠到前邊
去。衆稟大王、塵頭起處、官軍來了。淨你只高叫官軍
免送。衆叫介。丑領衆上。流賊休走。混戰。丑敗下。淨衆
下。丑走上。謊殺我也、謊殺我也、我乃吳興地方守將、
聞得流賊攻城、嚇得戰戰兢兢、如發擺子一般、躲在

三
國
櫃裡三日三夜。今問他去。好意送他一程。把我殺得片甲不回。幾乎送了這顆好頭頸。這賊好生利害。如今借此名色。把逃難的百姓。割下幾個首級。去請功罷。正是兵來寬汝賊來梳。一將功成萬骨枯。但聽沙場風雨夜。冤魂相喚覓頭顱。下

第十二齣

哭友

仙呂唐多令生上閱盡古今愁。青衫血淚流。春風回首。仲宣樓多病。故人知健否。隔一宵似三秋。

憶秦娥。空叱咤。干戈滿目愁難謝。愁難謝。王孫岐路。佳人長役。人間何處身堪借。不如歸去。高眠罷。高眠。

一劇中祗
可作寒黃
病後子虛
仙游若墨
卿夫婦及
亡再一描
面便竟見
魂火多此
只從傳聞
播過乃支
章隱身之
法
回曲不知
文生手情

罷寄愁天上。埋憂泉下。小生自賊中逃難。備嘗艱苦。
喜得烽烟稍息。重返故鄉。但不知墨卿兄弟踪跡。若
何。早間叫小奚打聽。還不見來。副淨上。天有不測風
雲。人有旦夕禍福。相公適纔遇見楊家小廝。說楊相
公避亂鄉村。被流賊打糧。受了驚嚇。感冒風寒。已病
故了。生。怎。怎。怎麼。楊相公病故了。兀的不痛殺我也。
哭倒介。副相公甦醒。生醒。哭介。我那墨卿兄弟呵。
南呂紅綢襖。指望你上金門。拜冕旒。誰知道向泉臺埋
過曲。錦繡就是多愁多病。不過我輩故態。只道苦吟病怯。休
文瘦。誰料愁。辨魂歸宋玉秋。兄弟我與你交比芝蘭愛

情生于文
想作善男
宋自有一
同說痕指
題評

同花萼方謂良朋耐久。白首如新。豈意中道生離。一朝
永訣。做不得美登仙。李郭舟空。留下哭登堂。張范酒咳。
天道無知。一至于此。我曉得了。古來慧業文人。必生天
上。聚卿此去。當在五城十二樓矣。多應是錦囊才盡。無
人也。又召楊雲賦玉樓。

小奚楊相公亡了。那齊夫人。今在何處。副我倒忘了。
那楊家小廝說。夫人也在病中。聽得楊相公不幸。一
慟而絕。只隔得一日。也是異事。生頓足哭介。我那兄
弟呵。怎麼你夫婦一時都去了。

前腔。纔哭了。別同心衣帶。游又添个殉。齊眉琴瑟友。平

時兄弟常對我說弟婦閨房之秀林下之風少年伉儷
人生樂事每日裡夜薰瑞腦噴金獸曉捲珠簾掛玉鈞
不能勾鳳凰絃吟白頭倒做了鴛鴦墳啼翠袖這是他
夫婦恩情不捨所以同穴相從可知你一雙飛去天邊
也撇下吹簫弄玉樓

兄弟你村庄路遠不能親到靈前拜奠只好瀝酒遙
祭了拜奠哭介

解三醒正可愛青春月柳驟相捐華屋山丘還記得酒
壚詩社同攜手更連牀風雨綢繆往常時節一日不見
千里相思暮雲春樹懷樽酒怎知今日呵落日寒水憶

舊游重回首問何年素車白馬慟哭西州

昔人有言海內第一知己已去復何心世緣

前腔痛芳年五更殘漏感頑軀一勺浮漚只是明冥異

路恨不見我死友黃泉若許尋良友又何妨蝶化莊周

算來人世富貴壽考皆與吾輩無分的前九齡誰續顏

回壽萬戶難封李廣侯從今後嘆孤身天涯地角顧影

無倚

沈生哭喪
則曰驚喪
身塚哭友
則曰蝶化
莊周可謂
情之至義
之嘉

副小人愚不諫賢自古道處者不可復生哭也無益

了郎君年長宜求官職悵悵不樂何以遣時日今上

國開科相公何不求取功名免得窮愁度日生小奚

上書一錯
干謁二錯
沈生之旁
自取之也

我如今妻亡友沒、舉目無親、故鄉已不可居、就上長
安應試、那七篇八股、賺殺英雄、我已造下萬言書、痛
哭流涕、或可感動天子、只是家無担石、行李蕭然、也
罷、我聞得魏無知任扶風太守、不免去干謁他、倘念
骨肉舊情、或者少助資斧、也未可知、小奚你收拾行
李、明日便行、副曉得、生物在人亡事事非、山川滿目
淚沾衣、副相公、你十年寄下無人問、自此聲名達帝
畿、下

第十三齣 逐客

中呂
過曲
好孩兒、丑大翅紗帽、雜扮皂隸、隨上、纔徵倖士進。

台之所
良臣口
有人父
良臣書
孟子此
曰今之
諸翁上
之所謂
賊也嗚
信矣口
無之外
有官
何圖二
支可勒
公堂無
知一稿
可勒中
亭

榜黃又高擢守太堂黃升堂搗鼓退敲梆詐民良窩盜
強無錢相送便喫棒無錢相送便喫棒

衣紫腰金四品章簽書點卯比錢糧主文代筆銷前
件門子通風入後堂下官魏無知前日丟些銀子買
箇探花入了詞林我想做官要出本的那詞林清淡
衙門不過寫大字帖而已租房養馬長班工食公分
人情那裡賂得許多又有一件要讀書寫字還覆上
學堂把頭都疼起來因此弄个手脚散做部屬買囑
當該推陞扶風太守不上三月原物五百金子長出
三三利來不知我老魏有个做官經大凡放告日期

不論戶婚田土要准他一二百張聽審起數。不管原
被干証都打他七八十板。庫內製頭號天平十分火
耗宅門做頂大轉柄百樣抽頭。屬下州官縣官送來
水裡一概全收。城中紬店布店。除取東西分文不發。
那有家私的。圖書里長。便是我養性命的爹娘。指皂
介。這沒體面的皂隸差人。也是我合夥計的兄弟。可
笑。几个說分上的鄉官。寡役書帖也來撞我頭皮。可
恨。一班打秋風的游客。硬討事件。分明奪人衣食。如
今簽下幾張告示。發去六門張掛。嚴禁一番。有何不
可。簽介。本府正堂魏。為關防事。照得本府在任。離家

三千餘里並無戶族人等在外游學經商如有棍徒
假冒親屬招搖騙騙拿獲重究釘回原籍其寺觀歇
家擅自收留者一體懲治不貸須至示者皂隸過來
聽我吩咐

越恁好這一張貼東門上這一張貼西門上總甲守街
坊僧房道院休招接莫窩藏待我再添上一筆有人首
告官給賞皂老爺倘有不識字的怎麼丑你念與他聽
本府示正堂關防須至通知仰關防須至通知仰

皂應作貼示介丑下生帶副淨上

賺作客劉郎驢背秋風雁數行副相公前面扶風都了

馬堂王
何人
州縣
判通

生扶風帳望門挾刺費徬徨。小生沈白上書北關假道西秦欲謁魏舅求其資助少壯行色但他平日爲人齷齪鄙吝恐不相容既已到此只得前去小奚把帖傳報副門上有人麼。皂是那一个。副有沈相公在此。皂相公到此貴幹生偶遊方毛生一紙煩通狀說是親家來故鄉。皂是鄉親麼你不見老爺新出告示正要拿鄉親哩。生不妨我與別人不同你傳帖進去自然出來。皂這個貴難從命老爺利害動不動五十毛板。生何妨講主人重客關函文啞想爲沒有門包送你麼且求相諒。皂推介相公請回也求相諒。

生怒介這等可惡既是你們不肯傳我們自傳便了
皂使不得衙門規矩相公怎麼胡做起來生敲梆皂
奪介內何事傳梆副有帖在此傳介丑上官如天上
坐客向地頭來喚把門皂隸過來我怎麼樣吩咐你
又放什麼鄉親傳帖皂不干小的事是他自家闖進
來的丑你爲何不攔阻重責五十板打介生搶上丑
不理介沈兄何來生魏兄小弟北上便道相訪你當
面打人羞辱我是何道理

粉孩兒老兄的趨威風行屈杖全不看寒親薄面權饒
輕放丑從來黨體重關防你秀才家未識官方生冷笑

吾所與海
皆子類矣

介什麼憲體什麼官方可笑你弄虛脾假撇清腔。臉喬做模樣。

丑這也不干本府事是上司行文來的。

像像

耍孩兒嚴禁游徒懸板榜就是學生在此做官不過吃得一口水而已兩袖清風颶况這扶風鄉呵小所在地面荒涼沉吟介門子走來我與你商量你去庫上取程儀一兩送沈相公。雜應取送介丑這還是學生俸金薄程儀奉敬惟台亮生誰希罕你的丑兄若不受也不敢強只別的開事難容講活太歲休胡撞。

生老魏我與你郎舅至親就不想抽豐難道留我住

几日不得的

會河陽不念同鄉至親怎忘丑大笑介若說同鄉也還

使得若說至親至親舍妹已亡况已許過程年兄誰認

你妹丈來生可笑可笑你昧心不認我舊東牀看你日

後有何面目見江東父老似這般反面無情怎還故鄉

丑小沈我他日衣錦榮歸就不認你窮酸打甚麼緊請

別過罷我做官甚忙那有閑工夫和你鬧嘴早出去休

無狀卑隸與我跪出大門多多拜上你尊親丈多多拜

上你尊親丈

竟下卑推生出門生怒介魏無知你直這樣薄情

第一卷
行投主
人一面
註曰
物
其
也
宜
中

尾聲閉門逐客真在妄呀。倒是我差了這樣小人。原不該來干謁他的。何苦與魑魅爭光。我如今可獨掛空囊上帝鄉。

丈夫原不受人憐。名紙毛生通枉然。副相公你此去好憑三寸舌。生呀。再來不值一文錢下。

第十四齣 伏闕

黃鐘、點絳脣、末上。紫陌雞鳴。景陽樓上鐘聲起。朱衣玉引子。點絳脣、末上。紫陌雞鳴。景陽樓上鐘聲起。朱衣玉几。咫尺天顏喜。

自家黃門官是也。今日聖人升殿。百官奏事。該下官引對在此伺候呀。遠遠望見一個秀才來也。

換頭生巾芻上一介麻衣彩筆于丹陛非遊說聖朝缺
事草野言無忌

小生沈白一身不偶四海無家因見王室艱難民生
塗炭那班肉食鄙夫竊位弄權保身杜口無一直言
敢諫之人爲此造下萬言書直于天聽已返闕門就
此俯伏伏介末塔下俯伏者何人生臣吳興諸生沈
白謹奏陛下末奏來

黃鐘神仗兒生微臣死罪微臣死罪上書封事念國家
養士豈容偷生緘默嘉謨入告忠言逆耳敢冒昧瀆天
威敢冒昧瀆天威

此詞琵琶
搢場讀此
更爲出色

聖風洞張

末你豈不聞祖宗條律生員不許建言何得續奏生
滴溜子臣非敢臣非敢言高位卑臣非敢臣非敢沽名
釣奇竊思言之無罪臣不比別的來那宋時太學陳東
也曾上書陳東一布衣能憂宋室幸採芻蕘得陳便宜
末既有文表就此披宣生萬歲

入破一諸生臣沈白啓奏爲條陳事論朝廷紀綱凌替
四方水旱罹鋒鏑亟藉維持臣謹誠惶誠恐稽首頓首
伏念微臣窮居下里讀詩書矢志忠君愛國蒿目憂天
墜如厝火勢將危末國家太平無事有何危殆生見災
異日月交蝕雨血風霾地震山崩川竭不時雷禾稼秋

聖李梅冬實

求這是天災不關人事生

二年荒歲飢亡命皆爲賊四郊多壘鄉村逃竄城門閉官軍會勦望風奔走真如兒戲糧餉頻催金錢虛費

求各處盜賊爲何而起生

滾三小民窮困因賦役郡縣多貪吏嚴刑酷罰求財賄封書幣私餽銓司朝貴行取臺垣日上衙門而已建言誰看搖尾乞憐衣冠掃地

求難道滿朝沒一个好官不成生

歌拍掌和伴食郎官索學臣但見那公卿輩工拜跪足

勝國末年
朝局亦不

痛心疾首
之言

癡肥唾面拂鬚便是好官長伎更堪悲水火玄黃黨人

菲片宮林

中滾五宦官宮妾皆奴婢。灑掃無他伎。若盜事權假狐威。指禁掖。擾綸扉。外戚之家能蠱惑。蓄禍機。書戒牝雞。詩譏艷妻。

老道秀才怎說到咱們身上，難道皇上也有不是處。

度生皇上呵

煞尾端拱深居未悉安危計奈朝內無忠義肆奸欺蔽
聰明長亂離臣言不早陛下悔之晚矣日凌夷荆棘銅
駝真堪泣涕

生哭介老這是朝門非秀才哭泣之地生豈不聞賈
生云天下事可爲痛哭者一可爲流涕者二

出破倘蒙聖明擇狂言斧鉞亦無辭庶幾臣民幸甚國
長治臣無任瞻天仰聖激切屏營之至

內聖旨下沈白所奏誣讎大臣指斥宮禁毀謗朕躬
好生可惡不當拿問姑念書生狂言着錦衣衛亂棒

真扣淡打
得好

打出去雜扮枝尉打介

滴溜子衆笑狂瞽笑狂瞽不知忌諱枉饒舌枉饒舌妄
陳利弊午門幾曾召對相公疏不題書生着甚急扯破
襴衫一齊打出打下

一生弔場聖上聖上不聽忠言天下事壞矣

鮑老催婆憂漆室徒薪曲突非迂計焦頭爛額難追悔
嘆賊徒驕流民哭君王睡重門猛犬迎人吠滿堂怪鳥
將予詈誰共灑新亭淚

罷罷罷我沈白寧路東海而死耳豈能向小朝廷求

活乎今後呵

沈生驚
矣只欠一

杜默奕
王廟悲憤
千古得此
酌醫據所
謂奪神人
酒杯洗血
已醒夢

尾聲吳門變姓同梅尉。再不向王門謁鬼。只是金盡裘
敝。怎生是好。寧可吹簫乞食歸。

上策金門苦未收。長安不見使人愁。鴟鴞道我行不
得。杜宇勸人歸去休。下

第十五齣 哭廟

淨扮項王貼扮虞姬上。淨氣蓋乾坤。力拔山。美人勸
酒舞雲鬟。長陵。壞土。今安在。獨跨烏騶入漢關。孤家
西楚霸王。項羽。勇無人敵。氣盡身亡。俺因心中不忿。
上訴天帝。勅我永鎮江東。遺廟在淮南之地。一方血
食。千載神遊。騶馬常伏階除。虞兮。仍侍帷帳。雖死之

日猶生之年早間出門游玩望見怨氣冲天有一秀才策蹇而行徑投我廟中來美人我與你坐以待之看他有何言語貼大王之言是也生上

北黃鐘

醉花陰可嘆我萬里孤身長流落恨悠悠天荒地

老重策蹇返江皋。戰西風。木葉蕭條。鴉叫介又聽得趁斜陽。烏鴉叫。過野店。渡溪橋。呀。早見一座青山藏古廟。

待我看來。額上寫西楚霸王之廟。不免進去瞻拜一番。拜介大王千古英雄。神靈如在。聽我沈白一言。

喜遷鶯。俺只見雕梁畫棟。閃靈旗香火飄搖。英也麼豪。到如今可許我寒儒相弔。只怕你土木形骸。虛畫描圖。

醉飽長則是。暗鳴叱咤不聽我嘆息號咷。

大王你若無知。不宜享此廟食。你若有知。見我沈白才高志大。運蹇時乖。四海無知。一身將老。也該憐念我。

痛語

出隊子。誰似我才高年少。抱經綸困草茅。祇堪痛飲讀離騷。直欲悲歌舞佩刀。大王呵。這辜負詩書冤不小。

呀。問了一會。怎無一言答我。昔李藥師入華山廟。大言道。若三問不應。卽斬大王之頭。今沈白之才不減李靖大王之靈。豈讓華山爲何頑鈍至此。

刮地風。呀。可笑你假癡呆。沒解嘲。待我打碎他白馬青。

午門外一
頓亂抹却

借兒神出
氣指大夜
兩往：如
此

袍作打又住介。倒是我差了。那泥神怎會講話。難道不
人土偶能談笑。反變了木客山魃。況且世人夢夢之
不靈。何況于你我沈白呵。活世界無門。懇告死傀儡何
法推敲。那大王畢竟是靈的。可知你心暗焦。氣正驚也。
相憐同調。則教我淚輕拋。首漫搔。放着這悶葫蘆。獨自
魂銷。

不要說我沈白淪落不偶。就是大王呵。當初與八千
子弟渡江而來。入秦關。破趙壁。擄齊王。走漢軍。何等
氣概。到得垓下天亡。易江自刎。反讓沖上亭長。享四
百年基業。豈不可恨。豈不可嘆。

悲天下
才子
齊淚下

四門子你入秦關燒破咸陽道救邯鄲受六國朝彭城
鏖戰兵非弱誰料得走烏江沒下梢楚軍盡逃漢軍又
挑悔不向鴻門把玉玦了大王大王你一世之雄而今
安在騅兮正驍虞兮尚嬌怎重見江東父老

抱神大哭介咳以大王之英雄不能取天下以沈白
之文章不能成進士古今不平孰甚于此神哭介生
呀你看大王也哭起來了虞姬也下淚了

古水仙子呀呀呀猛叫號看看兩目重瞳血淚澆嘶
嘶嘶嘶斷了駿馬金鑣啼啼啼濕了美人舞草聽聽
聽楚歌聲氣未銷恨恨恨不酬勞苦功高剩剩剩三尺

此時項王
何不起飲

帳中令虞

小勸生

一杯酒乎

如有用我

吾其天下

空祠背漢朝。嘆嘆嘆英雄失路。愚夫笑笑笑。笑下場。落魄似吾曹。

哭了一會，不覺神思困倦。且假寐片時。則個。醒介。爭。美人聽沈生所言，爲之氣塞。追思往事，不覺痛哭。起來。貼。正是同病相憐，使妾聞之，亦爲淚下。淨。我如今喚他囑付一番。沈生沈生，蒙君感弔，使我心傷。但作曲高和寡，才大知希。人世科名已不可得，待我奏聞上帝，召試登庸，自有顯擢。汝可速歸，休得留滯。我神去也。下。生醒介。呀，適纔夢中神道分明教我歸家，以待上帝召用。雖難深信，只得拜辭而去。拜介。

煞尾你看撲颼颼餘淚神衣落暫相逢聊解牢騷大王
這惜你一陣陰風送我江上棹

英雄有恨嗟何及天地無情爭豈知丈夫漂蕩今如

此一曲長歌出楚祠下

第十六齣 送窮

雜扮五鬼跳上吾等窮鬼非六非四在十去五滿七

除二各有主張私立名字一吾名智窮矯矯亢亢惡

員喜方羞為奸欺不忍害傷一吾名學窮傲傲與名

摘抉杳微真拙群言執神之機一吾名文窮不專一

能怪怪奇奇不可時施祇以自嬉一吾名命窮影與

詞和送窮
開仙祭詩
復遇交氣
甚苦隱微
合成一人
戲境中大
會境也

久此惡債
不得不穿

形殊面醜心妍。利居衆後。責在人先。
一吾名交窮磨
肌戛骨吐。出心肝企足以待。冀我譬寬。
合吾等五鬼。隨吳興沈子虛二十年。弄得他七顛八倒。九死十生。
面目可憎。語言無味。今他窮運已退。將酒食送我不
免與他作別。另尋主顧去也。**跳下**生破衣巾上。

商調山坡羊。忒楞楞遮不來的衣帶。酸溜溜嚼不完的小曲。

薤菜瘦巖巖。撐不開的病魔苦。唧唧填不了的時文債。
古人詩云。食薤腸亦苦。強歌聲無歡。我如今呵。天地隘。
出門皆有礙。吾衰甚矣。甚矣。三年憊。昔人每聞清歌。輒
喚奈何。欲喚清歌。喚盡如何。奈懷哉。悶悠悠。怎詠懷哀。

哉恨綿綿怎告哀

小生沈白自上市歸來窮愁徹骨家徒四壁囊乏一錢子夏鵠衣之結自尚有餘於陵糟李之塗二猶不足天平人乎貧也病也嘗聞孔子曰君子固窮孟子曰窮不失義韓愈言窮苦易歟馬援言窮且益堅古人窮的雖有但我沈白的窮窮到個至矣盡矣蔑以加矣了

前腔第一來科名連敗第二來兵戈罹害第三來人琴早亡第四來割斷夫妻愛第五來秋風鈍秀才算來不盡不盡窮愁債待賣窮愁誰人肯買懷哉悶悠悠怎訴

際絕糧日

絕糧日

自賣窮愁

詩今實勞
愁亦是一
家貨物

懷哀哉恨綿綿怎告哀

看來窮是何物此中必然有鬼難道世上千人萬人
窮只在我沈白一身就是我二十年來窮也勾了難
道自少至老終身相守的今日日吉時良不免結柳
作車縛草爲船設羹與酒哀告一番送他去罷祭介
咳我那窮鬼呵

五更轉你何不上泰山入滄海又何不進金門登玉臺
偏來欺負欺負儒冠客看衣馬輕肥少年瀟灑偏教我
窮鳥驚枯魚憊待我大叫一聲窮鬼窮鬼連呼窮鬼窮
鬼今安在何不歸來說不得了待我拜他一拜拜介窮

再拜而送
之礼也

兩你受我書生一拜

五鬼跳上飲啖介生呀呀呀就是你這班窮鬼了

江兒水飢色垂頭坐寒風撲面來首陽薇蕨因他壞陋
卷簾飄將他害萊蕪釜飯虧他耐今日又輪到沈白身
上貧賤驕人無賴窮鬼你既醉飽早早去罷領此符
牒遠避天涯之外

鬼沈相公非吾等纏擾是你文章所招今日窮運已
退白日飛昇吾等去也跳下生這班窮鬼去了早則
好也

園林好觀青天雲披霧開散幽寒春生敝齋我十分窮

早除了九分不快今後可騎馬去上金臺驛鶴去上瑤堦

錢杯冷矣
亦太唐矣

絕妙祭文

我又想起來太史公謂非窮愁不能著書歐公亦謂詩窮益工適纔窮鬼說我的窮是文章所招真是至言今日遊此酒肴不免將平日詩文祭奠一番一來酬我勞苦二來弔他寂寞祭介維某年某月某日吳興沈自謹以清酌庶羞之儀祭告詩文之靈

王交枝維靈詩伯擁長城仙才鬼才元亭奇字無人解賣文行何處招財郊寒島瘦總堪哀潘江陸海爭相怪冷落他山顛水涯辜負他歌樓舞臺

沈生善哭

者也一出

而哭矣矣

其後第

臨哭悼亡

臨哭忍痛

臨哭伏闕

哭入廟

哭于

哭以哭

終

可正十字
碑

嗚呼哀哉尚饗哭介我的詩文呵天下有一人知已

可以不恨今日已不可得了就是流傳後世誰復子

雲但供俗人覆醬瓿耳罷罷不如付之一炬倒得乾

淨燒介

玉抱肚墨光筆彩下塲頭祖龍自裁霎時間烟滅灰飛

又何須烈火乾柴只是可惜十年之功廢于一旦焚琴

煮鶴令人哀欲賦招魂魂不來

詩文雖焚了但那焦土寒灰尚是筆精墨妙不宜留

落人間塵埃點污我今築一墳冢葬他勒石墓門上

寫有吳沈白詩文之墓使千秋萬歲尚知奇書遺魄

亦可不負生平葬介。

玉山供青山黃陌築佳城。鸞龍活埋。芝書厨手板紅簾。
護文壇古木蒼苔。一帶硯田。爲界傍筆冢墨池分派。賦
草供樵。採白楊哀梨花寒食誰上墓門來。

內作樂介呀。一派樂聲從何而來。

二學士只見一朶紅雲如寶蓋。聽瑤天鸞鶴喈喈。莫不
是湘靈鼓瑟游蘭渚。莫不是秦女吹簫下鳳臺。何處淮
南雞犬在。你看雲中兩個仙人下來了。看青鳥下蓬萊。

旦貼扮金童玉女持節老旦捧詔上。玉旨下。生跪介。
上帝詔曰。帝圖廣大。允賴辰猷。天步艱難。亦資寅亮。

朕承三極爰闢九重。寤寐英賢。旁求側席。咨爾沈白。
獨秀江東。逸氣孤鶩。高文卓犖。屬以末造。銓宰非人。
致爾沉淪。傍徨草澤。朕甚憫焉。茲命文昌。網羅俊乂。
特徵遺佚。試南宮簡在譽髦。升之左右。振翊雲漢。
得聲紫微。勅汝星言。慰予日昃。欽哉謝恩。生叩介萬。
壽。三旦沈先生請登程。雜扮執事上行介。
川。極望三旦你看流蘇帶。紫鸞騎絳節。排又何須待詔。
承明又何須待詔。承明直飛上闕。風帝臺合羨仙遊。真。
壯哉。謝塵寰亦快哉。

壯哉快哉
正史懷哉
哀哉相歷

前腔換頭生。不過是經庫書倉。襪線才。誰承望下里巴。

詞達上台引香風。月地雲堦。引香風。月地雲堦。羨閨闥。
天門廣闊。合羨仙遊。真壯哉。謝塵寰。亦快哉。維塲下。